



Bosna i Hercegovina
Federacija Bosne i Hercegovine
Kantonalno tužilaštvo
Zeničko-dobojskog kantona

Broj: 06/04-11-8-2-R26-4/25
Zenica, 26.11.2025. godine

Na osnovu člana 70. Zakona o javnim nabavkama („Sl. glasnik BiH“, 39/2014, 59/2022 i 50/2024) a u skladu sa Izvještajem o radu Komisije broj: 06/04-11-8-R26-4/25 od 24.11.2025. godine i Preporukom Komisije za provođenje postupka javne nabavke broj: 06/04-11-8-R26-4/25 od 24.11.2025. godine, za dostavu ponuda za nabavku roba- nabavka računarske opreme - LOT 4 - nabavka printera za potrebe Kantonalnog tužilaštva ZDK, Glavni tužitelj Kantonalnog tužilaštva Zeničko-dobojskog kantona, donosi

ODLUKU
o izboru najpovoljnijeg ponuđača

Član 1.

Za najpovoljnijeg ponuđača po provedenom postupku javne nabavke putem otvorenog postupka za dostavu ponuda za nabavku računarske opreme - LOT 4 - nabavka printera za potrebe Kantonalnog tužilaštva ZDK, izabran je ponuđač: **„XENON FORTE“ d.o.o. Sarajevo, Butmirska cesta 43, Sarajevo sa cijenom ponude nakon provedene e-Aukcije u iznosu od 17.749,00 KM bez PDV-a, broj ponude: 01-215/25.**

Član 2.

Prijedlog Ugovora o nabavci robe dostavit će se na potpis izabranom ponuđaču **„XENON FORTE“ d.o.o. Sarajevo, Butmirska cesta 43, Sarajevo**, na osnovu člana 72. Zakona o javnim nabavkama BiH.

Član 3.

Za izvršenje ove odluke zadužuje se Odsjek za finansijsko materijalne poslove.

Član 4.

Ova odluka stupa na snagu danom donošenja.

Član 5.

Ova odluka objavit će se na web-stranici www.kt-zenica.pravosudje.ba, istovremeno sa upućivanjem ponuđačima koji su učestvovali u postupku javne nabavke u roku od 7 dana, shodno članu 70. stav 6. i člana 71. stav 2. Zakona o Javnim nabavkama BiH.

Član 6.

Sastavni dio ove odluke je Zapisnik o pregledu i ocjeni ponuda broj: 06/04-11-8-R26-4/25 od 12.11.2025. godine

O b r a z l o ž e n j e

Na osnovu Plana javnih nabavki broj: 06/04-11-8-2/25 od 22.01.2025. godine i Izmjene i dopune Plana nabavki, pokrenut je postupak javne nabavke za nabavku računarske

opreme – LOT 4 – nabavka printera za potrebe Kantonalnog tužilaštva ZDK, putem otvorenog postupka za dostavu ponuda.

Procijenjena vrijednost javne nabavke, bez PDV-a, iznosila je **17.800,00 KM**.

Obavještenje o nabavci broj: 5486-1-1-64-3-17/25 objavljeno je na Portalu javnih nabavki dana 22.10.2025. godine u 13:12^h.

Komisija za provođenje postupka javne nabavke, imenovana Odlukom o imenovanju komisije broj: 06/04-11-8-2/25 od 24.01.2025. godine, sačinila je Zapisnik o ocjeni ponuda sa Izvještajem o radu Komisije i Preporukom komisije o izboru najpovoljnijeg ponuđača u postupku javne nabavke računarske opreme – LOT4 - nabavka printera za potrebe Kantonalnog tužilaštva ZDK.

U postupku donošenja Odluke o izboru najpovoljnijeg ponuđača utvrđeno je da je Komisija za provođenje postupka javne nabavke blagovremeno i pravilno izvršila otvaranje i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 5 (pet),
- da je blagovremeno zaprimljeno 4 (četiri) ponude,
- da je ponuda ponuđača „PRINTEX“ d.o.o. Sarajevo, Hasana Sušića broj 9 -11, Sarajevo, neblagovremeno pristigla
- da su ponude ponuđača „NEUTRINO“ d.o.o. Tuzla i „MOON“ d.o.o. Zenica, Maršala Tita broj 38, Zenica, ocijenjene kao nepravilne,
- da je provedena e-Aukcija u skladu sa Pravilnika o uslovima i načinu primjene e-Aukcije (Sl. glasnik BiH broj 80/23),
- da je ponuda ponuđača **“XENON FORTE“ d.o.o. Sarajevo, Butmirska cesta 43, Sarajevo, nakon provedene e-Aukcije najpovoljnija sa ukupnom cijenom bez PDV-a 17.749,00 KM**

U postupku ocjene provedenog postupka, nisu nađeni razlozi za nepravilnosti i propuste u radu Komisije, koji bi bili osnova za neprihvatanje Preporuke Komisije za provođenje postupka javne nabavke. Izbor najpovoljnijeg ponuđača izvršen je u skladu sa Zakonom o javnim nabavkama BiH, podzakonskim aktima, internim aktima i tenderskom dokumentacijom. Uvidom u priloženu dokumentaciju i nakon završene e-Aukcije, nesporno je da izabrani ponuđač: **“XENON FORTE“ d.o.o. Sarajevo, Butmirska cesta 43, Sarajevo, sa ukupnom cijenom bez PDV-a 17.749,00 KM** primjenjujući kriterij najniže cijene, tehnički zadovoljavajuće ponude, ima **najpovoljniju ponudu**.

Sastavni dio ove odluke je Zapisnik o pregledu i ocjeni ponuda broj: 06/04-11-8-R26-4/25 od 12.11.2025. godine u kojem su detaljno opisani razlozi za odbacivanje ponuda ponuđača „NEUTRINO“ d.o.o. Tuzla i „MOON“ d.o.o. Zenica.

Shodno navedenom odlučeno je kao u dispozitivu ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi BiH, putem Kantonalnog tužilaštva Zeničko-dobojskog kantona, najkasnije u roku od 10 (deset) dana od dana prijema odluke.

Dostavljeno:

1x Učesnici u postupku javne nabavke

1x a/a

